

Parke Nacional Arikok importante den proyecto Conservacion di Tribon den Caribe

ORANJESTAD (AAN) ---

Como parti di e proyecto marina di Alianza di Naturaleza "Salba nos Tribonnan" di Caribe Hulandes personahenan di St. Eustatius y Aruba a join e Fundacion di naturaleza di St. Maarten pa siña tecnicanan di investigacion y estudio scientific relaciona cu conservacion y studio di tribon.

Representantenan di Parke Nacional di St. Eustatius y Parke nacional Arikok di Aruba, a pasa un siman cu e Fundacion di Naturaleza di St. Maarten pa siñ di metodonan di investigacion di tribon, incluso tecnicanan di marcamento di tribon, tuma muestra di DNA, midimento biologico y con pa atende cu e especienan.

Segun e lider di e proyecto, Tadzio Bervoets manager di Fundacion di Naturaleza di St. Maarten y lider di e proyecto Salba nos Tribonnan, "nos tabata tin un siman excelente di entrenamiento hunto y siña di otro e mihor manera pa colecta data scientific di varios especie di tribon".

"Aruba y St. Eustatius ta den proceso di bini cu nan propio programanan di conservacion di tribon di manera cu nos a pensa cu lo ta bon pa nan bin aki pa siña di locual nos ta haciendo na St. Maarten".

"Na mes momento nos a siña tambe di nos coleganan y por a agrega esakinan na nos esfuerzonan di data. Adicionalmente ta solamente di e informacion



puro y fuerte, treci hunto apropiadamente nos por sigui traha riba proteccion di tribonnan localmente y regionalmente", el a continua den su entrevista cu Soualiga Newsdia di St. Maarten.

Tanto Aruba como St. Eustatius lo aplica e tecnicanan cu nan a siña na St. Maarten, den nan propio localidadnan: "Conservacion di Tribon di Caribe ta rekeri un esfuerzo regional y e siman aki tabata un paso den prome e direccion corecto", segun Giancarlo Nunes, Manager di Investigacion y Conservacion di Parke Nacional Arikok di Aruba.

Jessica Berkel Manager di Parke Marina di St. Eustatius a comenta cu "e equipo di St. Eustatius ta masha gradeci pa e oportunidat dip or a participa den e entrenamiento aki. Tabata un bon siman cu experiencia grandi di educacion riba tereno di studia y conserva tribonnan y nos tin pura pa por pone

tur esaki den practica na St. Eustatius". E proyecto di e Alianza di Naturaleza Caribense Hulandes "Salba nos tribonnan" ta subsidia pa Loteria Postcode di Hulanda y e pone e enfoke riba conservacion di tribonnan y manta nan den parti caribense y europeo di reino hulandes. E datonan inicial di informacion via etiketanan satelital desplega na Saba and St. Maarten a muestra un movimiento regional significativo di especienan den Caribe: "Nos mester haci mas iniciativa di estudio manera e proyecto aki y e proyectonan cu St. Eustatius y Aruba ta bin cune, pa nos por haya un mihor idea riba status di e especienan, nan patron migratorio y nan distribucion den lama mas grandi den Caribe.

"Tribon ta critico pa salud di Lama Caribe pero ta ademas un di e especienan marino mas menaza riba e planeta aki", segun Bervoets.

DAILY FLIGHTS TO & FROM

CURACAO

Reserve now at www.flydivi.com or Call us at (+5999)839-1515 / (+5999)563-1913